

## Gairm

Tha cuid a' faighinn coire dhuinne an diugh airson gu bheil sinn ag ithe eun blasda. Chan eil sinne ag ithe an diugh ach am biadh a bha air bòrd an rìgh an dé. B' e sia sùlairean anns a' bhliadhna am màl a bha air a phàidheadh do'n rìgh airson a' Bhass Rock.

Tha an guga measail fhathast. Cha chanainn nach eil cuid aca air an èarrlaiseachadh mus tig iad as an ugh. Cò-dhiùbh, tha earrainn mhath aca air an èarrlaiseachadh mus tig iad as a' chreig. Cha luaithe thig eathar Shùlaisgeir dhachaidh na chithear Nisich as gach cèrnaidh a' falbh bho thighean an sgioba le drannag. Mios as déidh sin, cha cheannaicheadh òr na h-Ophir spòg ann an sgìre Nis.

Tha an guga a' dol nas fhaide air falbh air a' phost na tha an sùlaire air an sgéith. Chan ann a mhàin eadar Tigh nan Cailleachan Dubha an Uig agus Tigh Mhic Dhùghaill an Nis a tha iad air an ithe, ach ann an tìrean céine anns am bheil Nisich a' gabhail còmhnaidh. Is minig a dh'fhairich cailleach uasal ann an Glaschu, fàileadh 'na tigh fhéin air nach robh i eòlach!

Tha càil an Nisich cho fosgailte do'n ghuga 's a tha càil an Hiortaich do'n eun-chrom. Canadh coigrich na throgras iad, ach is e an guga annlan a' bhuntàta. Chan fhaca an Niseach a' chearc sin air truinnsear a b' fheàrr leis na guga air asaid. Cha bhiodh féidh Dhiùra, càis Cholla, tonnagan an Rubha, no bughaidean Tholastaidh ach mar shealbhag ann an sùilean an Nisich taca ris a' ghuga ghlas.

## EILEAN AN FHRAOICH ANNUAL

52 PAGES—MORE THAN 70 PHOTOGRAPHS

Price 3/- per copy.

By post 3/3

### NOW READY

There is no need to write a letter. Just fill in this form and post it with your remittance (by postal order, cheque, or stamps) to the—

**STORNOWAY GAZETTE,**

**69 Kenneth Street,**

**STORNOWAY.**

CUT HERE

Please send me.....copy(ies) of the Eilean an Fhraoich Annual.

I enclose.....to cover cost and postage.

Name.....

Address.....